

'Nu fatto 'ntra Don Felice Sciosciammocca e la Santarella

- Santarella — Don Felice bello, mo ca s'è nchiuso 'o triate che ve ne facite?
- Don Felice — Santarella mia nun me parlà de chesto, ca si no me faie venì na cosa..... Aie da penzà ca io tanto da disperazione mme voglio i' a ghiettà a mmare!!!
- Santarella — E comme ve vene ncape Don Felì? Ve vulite i' a ghiettà a mmare cu tanta denare che tenite? E io addò trove a n'organiste meglio de vuie. Pe carità nun facite sta pazzia si no mme piglio collera overamente!
- Don Felice — Arrassosia, Santarè, tu mme vuò fa murì addirittura!... Io che so nu Cavaliere, 'n carne, osse, muscole, cartilaginis. *Ah! Ah! tu scherzi, ho capito!* Io t'aggio ditto ca me voglio i' a ghiettà 'a mmare pecchè 'o cauro è troppo e ioaggio abbisogne de piglià quatte bagne.
- Santarella — Ah!, mo,aggio capite. E diciteme na cosa, 'a qua' bagne jate?
- Don Felice — Ah! pe bagne 'ntanto,aggio scegliuto i meglio 'e tutte quante, pecchè tu saie ca io, *marche avec bon ton!* Aie da sapè na cosa ca mmiezz' 'o Granatiello s'è apierto nu nuovo Stabbilimento 'e bagne ca p' a bellezza 'o chiammano 'o *Bagno della Regina*. Acqua comm' 'o cretallo, basta a ddi, ca dint' a cchille bagne 'nce so ghiute, 'nce vanno e 'nce jarranno tutt' e Regine de lu Mappamunno! Che bellizze! che panurame! che robba fine! Addò t'avuote truove nuvetà!
- Santarella — Ah!... E qua' so' ste nuvetà?
- Don Felice — Qua' songhe!!! Eh!, 'na piccola c' 'o limone! Tu pazzie, sciasciona mia, llà pe se piglià nu bagno, nun 'se cammina cchiù nè a duje, nè a ttre, nè a quatte piede; ma.....
- Santarella — Aggio capite, se va vulanno.....
- Don Felice — Gnermò figlia mia, llà 'se pigliano le bagne 'ncarrozza.
- Santarella — Don Felì, mo l'avite smammata grossa!!! Nunn' è overo?.....
- Don Felice — No, è arciverissemu!!! 'Ncopp' 'o bagno 'nce stanno carrozze, carrozzelle e carrozzune. 'O cavaliere piglia 'a signorina pe sott' 'o bbraccio, se metteno dint' a carrozza, e, mmeraviglie de lu munno! *Visibilia sed vera*, 'e signure, 'e carrozze, 'e cavalle, e ppure 'o battistrade, vanno a piglià pere a mmare!
- Santarella — Nientemeno! E llà 'nce starrà Farfariello 'ncarne 'e osse! Chest' è 'a primma vota ca 'e Signurine portano 'ncarrozza ll' uommene, a mmare.
- Don Felice — Ah! a mmare, ma 'nterra è cosa vecchia.... Nientemeno

- se cammina 'ncopp' 'a ll' acqua comme si se facesse 'na passata 'a via Caracciolo.
- Santarella — Don Felì, spiegateme nu poco meglio stu fatto. Per esempio: io se ve volesse purtà 'ncarrozza 'a vuie, comme 'avarrie da fa'?
- Don Felice — Figlia mia benedetta, mm' 'aie purtate tante vote 'ncarrozza 'e basta mo!.... Mo t' 'o dico 'io: Dint' 'o bagno d' 'a Regina 'a 'o Granatiello, apertura **Domenica prossima** 'nce sta n' acqua dichiarate igienico da mordissimi dotture e spezialmente da lo Comandatore Professore Cantano ca dice ca chest'acqua è l'unneca pe la salute e nun truvannese auta pe tutto lo golfo di Napoli l'usa isso stesso! Po' 'nce sta 'na sala d'aspetto 'e 200 metri, cu ccuncierto vucale e strumentale. Chi doppo pigliat' 'o bagno se vulesse fa 'na bella colazione, allora 'nce sta nu resturante allichetto. Sullo pe bedè chella bella allummate ca 'nce sta.... Nientemeno se vede tutto Napule allummate.
- Santarella — Uh!, mamma mia, e che s'è ddat' a ffuocche?!
- Don Felice — Tu che dice! 'nce pare propeto ca 'o cauro t' 'a fatto perdere 'o bbene d' 'o 'ntelletto. Llà se vedeno tutt' 'e lume, 'nc' è propeto tutta l' elettricità *luminosa* nunn' escluso 'a lanterna d' 'o Muolo!
- Santarella — E se vede pure 'o fanale d' 'o Sanazzarre? Se vede 'o cartiello che ddice: Si ripete per la 15367890^a volta a richiesta generale la " Santarella „ del " Cavaliere E. Scarpetta „ ?
- Don Felice — E pecchesto ioaggio 'nchiuso 'o triate, pecchè quann' è 'a sera 'a sala d' aspetto d' 'o bagno addeventa 'nu *café chantant*, e 'se canta, 'se sona, s'abballa e 'se fann ciento diavularie; e pecchesto tutte quante vanno llà.
- Santarella — Cavaliè, e quann' è cchesto purtammece tutt' a Cumpagnia. Oh! e diciteme 'na cosa, qua' songhe 'e prezze?
- Don Felice — Ecco ccà: 'O pruprietarie, o sia 'o bagnaiuolo 'a fatto costruì 'a spese soie 'na magnifeca ferrovia! È bella overamente; ma 'nce 'na piccola difficoltà: chesta ferrovia 'nce steva primma i se fa 'o bagno (!!!!!) Prezzi andata e ritorno — primi posti, 'ncomminciano d' a reta cent. 70 — Posti distinti lira 1 e poltrone 1,50. *Come vedi sono prezzi modicissimi!!!!*
- Santarella — 'Nzomma cu 'na lira, se va, se vene e se piglia 'o bagno?
- Don Felice — È st'anno io e 'a cumpagnia, 'nce divertimmo, e pure tu, bellezza mia.